



Tiranë, më 28.05.2024, nr 819 prot. Tiranë, më 28.05.2024, nr 702 prot.

MARRËVESHJE BASHKËPUNIMI
NDËRMJET
AKADEMISË SË SHKENCAVE TË SHQIPËRISË (ASHSH)
DHE
UNIVERSITETIT TË ARTVE

Neni 1
Përcaktimi i Palëve

Palët në këtë Marrëveshje janë:

- 1. Akademia e Shkencave e Shqipërisë (ASHSH), me qendër në Tiranë, sheshi *Fan Noli*, e përfaqësuar nga akad. Skënder Gjinushi, Kryetar;**
- 2. Universiteti i Arteve (UART), me adresë: sheshi *Nënë Tereza*, nr. 2, Tiranë, i përfaqësuar nga prof. Kastriot Çausi, Rektor.**

Neni 2 Qëllimi

Marrëveshja ka për qëllim rregullimin e bashkëpunimit ndërinstitucional midis *Palëve*, si dhe midis strukturave përbërëse të tyre; përcaktimin e prioriteteve themelore të bashkëpunimit dhe mënyrën e zbatimit të tyre, mbështetur në legjislacionin në fuqi e në parime të gjithëpranuara dhe në interesa të përbashkëta.

Neni 3 Parime bazë

Parim themelor rregullues për bashkëpunimin e *Palëve* është *liria akademike dhe autonomia universitare*. Ato bashkëpunojnë duke respektuar njëra-tjetrën në *vetëveprimin e tyre të rregulluar me ligje dhe me akte nënligjore*, duke ruajtur dhe zhvilluar traditat më të suksesshme, përmes nismash, projektesh dhe veprimtarish të përbashkëta akademike kërkimore-shkencore e artistike.

Në veprimtaritë e përbashkëta dhe jashtë tyre *Palët* pranojnë dhe respektojnë *Kodin europian të sjelljes për integritet në kërkimin shkencor*. Ato mbajnë qëndrim kritik dhe të papajtueshëm ndaj të gjitha formave të plagjiaturës dhe pseudoshkencës.

Neni 4 Drejtimet kryesore të bashkëpunimit

Bashkëpunimi midis *Palëve* shtrihet në të gjitha fushat e dijes, me përparësi fushat me më shumë interes të përbashkët, si studimet për artin dhe kulturën.

Palët bashkëpunojnë për zhvillimin e aktiviteteve të përbashkëta shkencore, si: kuvende, kongrese, konferenca, forume, simpoziume etj.

Palët bashkëpunojnë për kryerjen e studimeve të përbashkëta.

Palët bashkëpunojnë për aplikimin dhe zbatimin e projekteve të përbashkëta shkencore vendore, rajonale e europiane.

Palët bashkëpunojnë për nxitjen dhe promovimin e studiuesve të rinj në fushën e artit dhe kulturës.

Palët bashkëpunojnë për hartimin e strategjive të zhvillimit dhe të akteve normative në zbatim të tyre, në fushën e artit dhe kulturës.

Neni 5

Bashkëpunime të veçanta

Anëtarë të njësive bazë dhe anëtarë të Senatit të UART marrin pjesë në procesin e promovimit të kandidatëve për anëtarë të Asamblesë së ASHSH, siç parashikohet në ligj dhe në statutin e institucionit.

Përfaqësues të profesoratit të UART përfshihen sipas fushave në komisionet e përhershme që funksionojnë pranë ASHSH. UART mirëpret, inkurajon dhe mundëson pjesëmarrjen në këto komisione.

ASHSH garanton përfshirjen e ekspertëve të UART në njësitë e reja të kërkimit shkencor ngritur pranë saj. UART rekomandon e propozon përfshirjen e ekspertëve më cilësorë, ato bashkëpunojnë në drejtimin e realizimit e veprimtarisë së tyre.

ASHSH fton përfaqësues të UART të marrin pjesë si anëtarë jurie, vlerësues të jashtëm, recensues e oponentë në organizimin dhe zhvillimin e konkurseve shkencore për çmimet kombëtare vjetore të shpallura prej saj, në të gjitha fazat e tyre.

Përfaqësues të UART marrin pjesë në organizma të ASHSH ose që funksionojnë pranë saj, si këshilli i botimeve akademike etj.

ASHSH fton në mbledhjet vjetore të Asamblesë së saj përfaqësues të UART. Anëtarë të Asamblesë së ASHSH, pjesë e UART, marrin pjesë me statusin e të ftuarit në mbledhje të senateve akademike të fushës së tyre kërkimore.

ASHSH dhe UART ofrohen për bashkëpunim për hartimin e programeve të veçanta të studimeve universitare për ciklin e dytë të

studimit (*master*) dhe ciklin e tretë të studimit (*doktoratë*), si dhe për drejtimin shkencor të tyre.

ASHSH mundëson zhvillimin e praktikave mësimore të studentëve të UART pranë saj dhe njësive kërkimore të saj.

Neni 6

Shkëmbimi i botimeve dhe i informacionit

Palët i sigurojnë njëra-tjetrës shkëmbimin e ndërsjellë dhe të pakushtëzuar të informacionit shkencor, të periodikëve që botojnë, të studimeve dhe monografive. ASHSH u dhuron periodikisht koleksione të botimeve të saj bibliotekës së UART.

Palët shkëmbejnë *ekspertiza dhe mbikëqyrje* të përbashkëta të veprimtarisë shkencore në ekspedita dhe në kërkime.

Palët informojnë rregullisht njëra-tjetrën për marrëveshjet dy ose shumëpalëshe me interes të ndërsjellë.

Neni 7

Zbatimi dhe kohëzgjatja

Kjo Marrëveshje ka fuqi veprimi me kohë të papërcaktuar.

Palët takohen dy herë në vit për të vlerësuar ecurinë e Marrëveshjes.

Ndërprerja e saj pranohet prej *Palëve* në rastet kur:

- Ndryshon *statusi ligjor i institucioneve* dhe ky ndryshim prek funksionet themelore të tyre, me efekt në *Palën* tjetër;
- Njëra nga *Palët* shpreh me shkrim dhe në mënyrë të arsyetuar shqetësimin për cenimin e interesave bazë të saj në procesin e plotësimit të kushteve të kësaj Marrëveshjeje.

Neni 8

Protokollet e bashkëpunimit

Me vullnetin e *Palëve* kësaj Marrëveshjeje i bashkëlidhen protokolle bashkëpunimi me afate realizimi që përcaktohen me diskutim mes tyre. Protokolle mund të nënshkruhen dhe për një veprimtari të vetme.

Neni 9

Zgjidhja e mosmarrëveshjeve

Kjo Marrëveshje është çështje *dypalëshe*. Për paqartësitë dhe ankesat e mundshme *Palët* nuk kërkojnë apelim në ndonjë instancë tjetër. Mosmarrëveshjet midis *Palëve* zgjidhen me bisedime e mirëkuptim ndërmjet tyre. Në rast të mosarritjes së dakordësisë me bisedime për një periudhë dyvjeçare për çështje të diskutueshme, kjo Marrëveshje e humbet fuqinë.

Neni 10

Të fundme

Kjo Marrëveshje nënshkruhet në dy kopje, të dyja në gjuhën shqipe, një për secilën *Palë*, me vlerë të barabartë.

Për:

Akademini e Shkencave të
Shqipërisë

Akad. Skënder Gjinushi, Kryetar



Universitetin e Arteve
Prof. Kastriot Çausi, Rektor

